

不敵者斯人也可以親百姓可以司粟帛可以掌符璽可以即清靜之道

損益

夫仁不儉有不仁義不儉有不義禮不儉有非禮智不儉有無智信不儉有不信所以知

冠二

儉為五常之本五常為儉之末夫禮者益之道也儉者損之道也益者損之旨損者益之理禮過則濫儉過則朴自古及今未有亡於儉者也

解惑

謙者人所尊儉者人所寶使之謙必不謙使之儉必不儉我謙則民自謙我儉則民自儉機在此不在彼柄在君不在人惡行之者感是故為之文
化書卷之六終

太上感應篇

冠三

太上曰禍福無門惟人自召善惡之報如影隨形是以天地有司過之神依人所犯輕重以奪人算算減則貧耗多逢憂患人皆惡之刑禍隨之吉慶避之惡星災之算盡則死又

冠三

有三台斗星君等常在人頭上錄人罪惡奪其紀算又有三尸神在人身中每到庚申日輒上詣天曹言人罪過月晦之日竈神亦然凡人有過大則奪紀小則奪算其過大小有數百事欲求長生者先須避之是道則進

非道則退不履邪徑不欺暗室積德累功慈心於物忠孝友悌正己化人矜孤恤寡敬老懷幼昆蟲草木猶不可傷宜憫人之商樂人之善濟人之急救人之危見人之得如己之得見人之失如己之失不彰人短不衒己長

過惡揚善推多取少受辱不怨受寵若驚施恩不求報與人不追悔所謂善人人皆敬之天道佑之福祿隨之眾邪遠之神靈衛之所作必成神仙可冀夫欲求天仙者當立一千三百善欲求地仙者當立三百善苟或非義

而動背理而行以惡為能忍作殘害陰賊良善暗海君親慢其先生叛其所事誑諸無識謗諸同學虛誣詐偽攻訐宗親剛強不仁狠戾自用是非不當向背乖宜害下取功諂上希旨受恩不感念怨不休輕蔑天民擾亂國

政賞及非義刑及無辜殺人取財傾人取位誅降戮服賤正排賢凌孤逼寡棄法受賂以直為曲以曲為直入輕為重見殺如怒如過不改知善不為自罪引他墮塞方術訛謗聖賢侵凌道德射飛逐走發誓誣構填穴覆巢

復胎破卵願人有失毀人成功危人自安滅人自益以惡易好以私廢公竊人之能蔽人之善形人之醜訐人之私耗人貨財離人骨肉侵人所愛助人為非逞志作威辱人求勝敗人苗稼破人婚姻苟富而驕苟免無耻認

冠三

恩推過嫁禍賣惡沽買虛譽包貯險心挫人所長護己所短乘威逼脅縱暴殺傷無故剪裁非理烹宰散棄五穀勞擾衆生破人之家取其財寶決水放火以害民居紊亂規模以敗人功損人器物以窮人用見他榮貴願他

流貶見他富有願他破散見他色美起心松之負他貨財願他身死干求不遂便生呪恨見他失便說他過見他體色不具而咲之見他才能可稱而抑之理盡厭人用藥殺樹志怒師傳抵觸父兄強取強求好侵好奪庸

掠至富巧詐求遠實罰不平逸樂過節可虐其下恐嚇於他怨天尤人呵風罵雨鬪合爭訟妄逐朋黨用妻妾語違父母訓得新忘故口是心非貪冒於財欺罔其上造作惡語譏毀平人毀人稱直罵神稱正棄順效逆背親向疎指天地以證鄙懷引神明而鑑猥事施與後悔假借不還分外營求力上施設淫慾過度心毒貌慈穢食饒人左道惑眾短尺狹度輕秤小升以偽雜真採取姦利廢良為賤謾慕愚人貪婪無厭吧咀求直嗜酒恃亂骨

肉忿爭男不忠良女不柔順不和其室不敬其夫每好神誇常行妬忌無行於妻子失禮於舅姑輕慢先靈違逆上命作為無益懷挾外心自呪呪他偏情偏愛越井越竄跳食跳人損子墜胎行多隱僻晦臘歌舞拜且號怒

對此涕唾及溺對龜吟詠及哭龜火燒香穢柴作食夜起裸露入節行刑唾流星指虹霓轉指三光又視日月春月燎獵對北惡罵無故殺龜打蛇如是等罪司命隨其輕重奪其紀算算盡則死死有餘責乃殃及子孫又諸

橫取人財者乃計其妻子家口以當之漸至死喪若不死喪則有水火盜賊遺亡器物疾病口舌諸事以當妄取之直又在殺人者是易刃兵而相殺也取非義之財者譬如藥者救饑餧酒止渴非不暫飽死亦及之夫心起於善善雖未為而吉神已隨之或心起於惡惡雖未為而凶神已隨之其有曾行惡事後自改悔諸惡莫作眾善奉行又必獲吉慶所謂轉禍為福也故吉人語善視善行善一日有三善三年天必降之福凶人語惡視惡行惡一日有三惡三年天必降之禍胡不勉而行之

梓潼帝君戒士子文

梓潼帝君曰聰明正直而依仁寧無所擇寬厚忠信而好義是用相仍故憑有感之精乘

曲示無聲之教化咨爾有眾聽予格言蓋聞富貴在天得失有命知之者安於自然而罔或控告昧之者貪於必得而有所祈求或謂精神交而夢寐通或謂祭祀豐而神祇格宮殿樓觀務碧瓦之巒飛陛戟右廊誇朱欄之

雕翠從茲末務失其本真不知進退存亡係彼三班四屬行藏用舍考茲五部六臺既有司存豈容計取然不可一拘於前定又不可迷昧於進脩故脩身勵行者天必降之百祥而反道敗德者神亦奪其五福理所著者人弗知之是故運數冥符而反受其殃灾星顯照而或蒙其吉造化以之倚伏神明由是乘除凡厥儒流恭行教化汝等勿欺天遠毋謂神幽毋言暗室可欺毋道明庭不畏毋凌孤寡毋侮老成毋取不義之財毋淫非己之色毋厚結它人而親戚岐路毋義交異姓而兄弟閭墻毋恃已長毋攻人短毋好逸樂毋縱遊畋毋負才名毋挾官貴毋厚仙釋而薄於父母毋敬鬼神而慢於師資苟有負於吾言端不逃於天憲政生乎渡彊者累困於場屋

一旦精明者遽登於鄉書皆有實緣固非造次世之腹誹心謗者往往得以藉口人之面譽肯毀者悠悠姑以欺心彼司文衡而豈得以私此權操藉而故先有取濟濟多士天其或者臨之巍巍成功吾則是之取爾播告中外咸使聞知

又文

今歲取士不止一端要在得人以副衆望一以陰功孝行為上一以處已謙和為賢善學者則酬其勞高才者則遂其志傲忽者未免

黜落輕薄者姑示勸懲文章假之以定其去留神明司之以公其予奪人不自省明示訓言嘗謂唯士無能苦學為能居貧不富成名即富上無分於貴賤人切在於勤勞凡夫且先較德業之短長故有司始定文章之優劣不可謂前定而不能力學豈可以宿緣而自怠操倚名雖曰士初無士行之寸長身雖曰儒徒為儒服之觀美不敬天地不信神明狎侮老成輕慢前輩違逆父母而逸樂度日怠忽師長而放蕩無時試不遂則罪有司之不

公榜初張則謂庸流之濫得責人者不能於責已議人者乃所以議天或恃已之見而遇人之能或銜已之表而攻人之短或矜所學而忽略一世或恃一解而輕視衆人立身不正則以曖昧貪饕為能用心不減則以機巧

變詐為勝較短論長而不從公道奪彼與此而弗恤人言面譽皆毀而求苟合於人口是心非而絕不容於物外貌雖慈祥徒巧言而美語中情多狠暴好潛賊而陰謀不擇手足而交不義之朋不和其室而淫非已之色捨已田耘人田失云多美作無益害有益損執甚焉預鄉薦者自為志得意滿不復進修入省闈者則曰功名遂直可唾取恃才傲物挾長欺孤常交貴結援而每誇等流以隻字片文而蔑視同輩在市道則和合貿易以觀

其所得遇州縣則鬪合爭訟以滿其所求不忠不孝甘心冒法而喜為非禮非仁真情徑行而弗顧游岐無度博奕廢時耽飲而自喪其神逞威而乃敗於德致屢囚於場屋安敢望於榮華况三年物無伏案之功而一口遂

萌登科之望稍無成直歸之命運纔有力專務於禱祈不知天憲之難逃深恐人心之愈惑出處語嘿之際天必察之進退予奪之間神所司者豈容倖取不可計求苟有行業之可書美惡飛騰之不遂遇者營業相傳之後

屢有聲名儒冠世守之家反被黜落不知營業之子安分讀書無形顏色每見儒冠之後自恃名族多有驕矜神明公取專激勵於輕薄之流天道左旋用獎子於淳朴之士若能自悟晦迹韜光望欲有成勞心苦志曲盡陰功之事務存忠孝之心反乎上古淳朴之風無流末劫偷薄之俗自然詩禮傳家科名復舊謙和處已氣象如初天不負人人宜力學凡為士者各宜戒之

陰德延壽論

一念所覺固所以得三元之壽考一德之脩尤所以培三元之壽脉甚矣念之不可以不覺而德之不可以不脩也老子曰我命在我不在天紫陽真人曰大藥脩之有易難也須由我也由天若非積行施陰德動有羣魔作

障緣是可以自信矣道人郭太史精於談天者也應天得書後之星翁推步必米取法曰五行四柱曰星辰運限如是而富貴壽考如是而貧賤疾苦如是而凶惡夭折若鏡燭影若契合符世之人似不能逃其數者及其究

也合於書者固多其不合者亦不少是何歟豈人生宇宙間或圓於數或不圓於數歟蓋嘗攷之其推玄究微既條列于前至其後則曰陰功可延壽吉人依舊無凶又曰隨緣應物行方便縱犯凶星亦不虞是必有見矣不

然壽夭休論命脩行本在人孫思邈真人何以有此言歟太極真人徐來勒嘗遇南斗壽星問壽夭吉凶之事星君曰天道福善禍淫神明賞善罰惡人能刻意為善靜與道合動與福會如此則我命在我不為司煞所執不

求壽而自壽不求生而自生苟或絜綱紀違天地肆惡悖侮神明背仁慈虧忠孝明則刑網理之幽則鬼神誅之是不知所積真其中奪其算而天其壽者矣陰德如于公治獄于為丞相徐公積善衮衮公侯在所不論昔比

丘得六神通與一沙彌同處林野比丘知沙彌七日當死因曰父母思汝可暫歸八日後來沙彌八日果來比丘怪之入三昧察其事乃沙彌於歸路中脫袈裟墮水令不得入蟻穴得延壽一紀孫村教兒時見兩頭蛇恐他

人見殺而埋之母曰吾聞有陰德者天報之福汝不死也後為楚令尹又實為釣夜夢祖父謂曰汝年過無子又壽不永當早修陰德禹鈞自是脩陰德罔倦後又夢其祖父語曰天以汝陰德故延壽三紀賜五子榮顯後居

洞天之位范仲淹為之記由是觀之三元壽考固得於一念之覺三元壽脉又在於一德之脩也或曰陰德易從而脩之曰凡可脩者不以富貴貧賤拘亦不在勉強其所為但於水火盜賊饑寒疾苦刑獄逼迫逆旅狼狽險

阻難難至於飛潛動植於力到處種種方便則陰德無限量而受報如之矣善乎西山之記曰遇至人得真法雖云修養所至亦陰功之報也此予所以參贊書後復作論曰陰德延壽九華澄心老人李鵬飛述

放生文

蓋聞世間至重者生命天下最慘者殺傷是故逢擒則奔喚或猶知避死將雨而徒螻蟻尚且貪生何乃網於山罟於淵多方掩取曲而鈎直而矢百言扶羅便其磨落魂飛毋離

子散或囚籠檻則如處囹圄或被刀砧則同臨刑戮憐兒之鹿舐瘡痕而寸斷柔腸畏死之猿望弓影而雙垂悲淚恃我強而凌彼弱理恐非宜食他肉而補己身心將安忍由是昊天垂憫古聖行仁解網著於成湯高祖與

於子產聖哉流水潤枯槁以囊泉悲矣釋迦代危亡而割肉天台智者鑿放生之池大樹仙人護棲身之鳥贖魚蝦而得度壽禪師之遺愛猶存救龍子而傳方孫真人之慈風未泯一活蟻也沙彌易短命為長年書生易卑

名為上第一放龜也毛寶以臨危而脫難孔愉以微職而封侯屈師縱鯉於元村壽增一紀隋侯濟蛇於齊野珠報千金極已溺之蠅酒匠之死刑免矣捨將烹之蟹廚婢之篤疾瘳為買死命於屠家張提刑理超天界易餘

生於鈞梗李景文毒鮮丹砂孫良嗣鮮繪燼之危卜葬而明蟲交助潘縣令殺江湖之禁去任而水族悲號信老免愚民之牲祥符甘而曹澤守獵人之網道播神州雀鮮銜環報恩孤能臨井投術乃至殘軀得命垂白壁以

聞經難地求生現黃衣而入齋施皆有報事匪無微載在簡編昭乎耳目願隨所見物獲慈悲心捐不堅財行方便事或恩周多命則大積陰功若惠及一蟲亦何非善事尚日增而月累自行廣而福崇慈滿人寰名通天府

○ 鴻空寬障多杜葦於今生培積善根餘慶及於他世倘更助稱佛號加諷經文為其回向西方令彼永離惡道則存心愈大植德彌深道業資之速成蓮臺生其勝品矣

殺生七戒

世人食肉咸謂理所應然乃恣意殺生廣積冤業相習成俗不自覺知真可為痛哭流涕長太息也計其迷執略有七條開列如左餘可例推
一曰生日不宜殺生哀哀父母生我劬勞已

身始誕之辰乃父母垂亡之日是日也正宜戒殺扣齋廣行善事庶使先亡考妣早獲超生見在椿萱增延福壽何乃頓忘母難殺害生靈上貽累於親下不利於己昔唐太宗篤乘之主生日尚不為樂本田舍翁多收十斛

粟乃賀客盈門歡宴累日不知其可也世有生日飯僧誦羅偈諸善事者亦賢矣哉

二曰生子不宜殺生九人無子則悲有子則喜不思一切禽畜亦各愛其子慶我子生令他子死於心安乎夫嬰孩始生不為積福而反殺生造業亦太愚矣有一獵人暮夜大醉

視其幼子為犛犛力將殺之妻泣諫不聽竟剖其腹出其腸已而安寢天明呼其子與入市鬻犛肉妻哭曰昨汝所殺者子也其人舉身自擲五內崩裂噫人畜雖殊愛子之心一也安可殺歟

三曰營生不宜殺生世人為衣食故或畝獵或漁捕或屠宰牛羊猪犬等以資生計而我觀不作此業者亦衣亦食未必其凍餒而死也殺生營生神理所極以殺昌俗百無一人

種地獄之深因受未生之惡報莫斯為甚矣何苦而不別求生計乎嘗觀見屠羊者垂死而口作羊鳴賣鱈者將亡而頭如鱈噉此二事近在隣居即非傳說我勸世人若無生計寧丐食耳勿得造殺而生作此冤業也

四曰宴客不宜殺生良辰美景賢主嘉賓殊食菓羹不妨清致何須廣殺生命窮極肥甘笙歌饜飲於杯盤等割冤流於砧几嗟乎有人心者能不悲乎若知盤中之物從砧几冤號中來則以彼極苦為我極歡雖食且不下咽夫可不悲乎

五曰祭先不宜殺生亡者忌辰及春秋祭掃俱當戒殺以資冥福殺生以祭徒增業耳夫八珍羅於前安能起九泉之遺骨而使之食乎無益而有害智者不為矣或曰梁丑帝以

麩為犧牲世譏其使祖宗不血食噫血食未必珍蔬食未必惡為人子者貴乎慎脩其身而不覆先宗祀斯善矣奚取於祀之必用血也禴祭勝於殺牛易垂明訓牲養猶為不孝聖有嘉謨奚取於祀之必用血也

1 036 A B U - 2

六曰祈禳不宜殺生世人有疾殺牲祀神以祈福祐不思已之祀神欲免死而求生也殺他命而延我命逆天悖理莫甚於此矣夫正直者為神神其有私乎命不可延而殺業具在種種法祀亦復類是藥師經云殺種種象

冠三

十一

生解奏神明呼諸魁魁請乞福祐欲冀延年終不可得所謂命不可延殺業俱在也種種淫祀如殺生求子殺生求財殺生求官等及其得子得財得官皆本人分定非鬼神所為也偶爾滿願遺謂有靈信之彌堅行之愈篤

邪見熾然莫可救療悲夫

七曰婚禮不宜殺生世間婚禮目問名納采以至成婚殺生不知其幾夫婦者生人之始也生之始而行殺理既逆矣又婚禮吉禮也吉日而用凶事不亦慘乎凡人結姻必祝願夫婦諧老爾願諧老禽獸願先亡乎嫁女之家三日不息燭思相離也爾以相離為苦禽獸以離為樂乎信乎婚之不宜殺矣如上市列甚拂常情達人覽之必以為確論倘能全戒善莫加焉其或不然量力除滅或

去四五或禁二三除一事則消一業減一殺則社一室若未能斷絕腥膻且先應市買見物不加親殺亦免大德積養慈心漸入佳境得斯文者更望展轉流通互相勸化能勸一人不殺如救百萬生靈勸至十人百人以及千萬億眾陰功浩大善果無窮但肯信行決不相賺

冠三

十三

勸殺牛歌

我勸世人勿食牛肉服耕劬勞及遭殺戮爾食何來又為烹割吁嗟此牛莫云是畜六道輪迴互相報復為知夙生非爾眷屬宜謂無知臨死敲釀口不能言流淚若哭皮解體分領張兩目目匪徒張看爾反獲能保他年不變為犢念我同生食纒縱欲只愛口甜不思中毒有飯充饑得蔬已足適口物多何必牛

肉鑿戒其明勿食是福

諸神聖誕日玉匣記等集目錄

聖誕令節日期 許真君玉匣記

法師選擇記 合帳試新衣日

太子洗頭日 文殊裁衣日

男女值年星命之屬 金符經

冠四

諸葛先生出行之圖 出行吉凶時

面熱眼跳耳熱耳鳴噴噴肉顫心驚鶴噪等項法

神仙探病日 碧玉經出行日

得病疾日 枯焦紅沙黃沙鬼哭日

二十八宿吉凶之圖 六十花甲子喜神方

諸神聖誕令節日期

正月初一日天臘之辰 彌勒佛聖誕

初八日定光佛聖誕 江東聖誕

初九日玉皇上帝聖誕

十三日劉猛將聖誕

十五日上元天官聖誕

初八日至十五日顯大神通降魔此日戒

齋比常日有千萬功德

二月初二日土地正神聖誕